

蘭
說

北京順天養蘭經歷略法

北京養蘭約分閩浙兩路所謂春蘭秋蘭是也。大旨春蘭多來自江浙秋蘭多來自閩廣二種培養不同處惟春蘭冬日亦須澆水不畏潮濕秋蘭至嚴冬不可澆水最忌潮濕其餘春夏秋三季養法均可略同當秋令花落後盆上切不可乾此時新根新葉將已長足宜澆香油一次當年十月花之胚胎與來年新草壯大全在此次用肥如法自中秋直至入房盆土勿見大乾仍可經雨至霜降前數日

即將各盆安置花房前簷下以避霜雪至立冬小雪兩節時盆土仍宜潮潤即至大雪以前天時如暖僅於夜間將花房前面用蒲蓆遮護白天仍可見日此時如有太乾之盆仍可少澆清水惟不可太多以過經過嚴冬歷三個月內外絕不見水全賴此時潮潤也大雪以前如天氣大涼即將花房前牕糊紙每間留捲簾一二處以便遇晴暖無風時捲起各簾以通天氣此時夜內必冷天天日暮時即以蒲蓆遮護前牕冬至以前天氣大冷建蘭則不澆水矣

另用碗盛水安在前牕內俟碗水見有薄冰於每日晚間
先在院內將燒透炭火盆用炭灰埋好上留一孔俟不生
烟再搬入花房離花盆不可太近花房間數如多不妨多
置炭盆一二個白天如不見冰或非風雪嚴寒則白天不
必有火蓋凡花木皆畏煤內之輕硫氣故用炭火無此硫
氣也再於房東西牆各安寒暑表一個至暖不過在五十
餘度至涼不可在三十二度以內按百度之寒暑表三十
二度結冰四十八度
中和六十四度溫暖八十度暑熱九十六度血
溫五十餘度正在中和度以上溫暖度以下
花盆距前

牕尺餘可容一人來往頭層用磚或用花盆墊起離地高約尺許此一排盆後再列一排比頭排再高尺餘必要各盆均見日光盆之前後兩面貼紙兩塊上記南北二字每過十日或一節令將盆挪轉一次設大雪時南字面朝南冬至節則北字面朝南俾四面均接日光庶來年不致一面生花也至立春雨節時盆土如太乾可用極小細嘴茶壺微潤以水若葉不透黃或以小槌在盆外自上至下輕輕敲之如響亮不能到底上截音空下截音實是此盆

僅乾至一半下截仍濕可以不澆所用之水雨雪水為上

河水次之最忌者用井水因井水無論何處甜水未有無

灰城礪礬等質也

用化學法
考驗而知

是以嘗見京中養蘭多不能

長久者約有十弊一冬令澆水或花房太暖二春夏秋缺

水三長用井水四春日出房太早五忽乾忽濕六肥多生

蟲七夏令大晒八秋令太乾九連經透雨十不善換盆以

上各弊花肆善於養花之人亦多不免所以然者因賣花

之人惟知隨來隨賣以圖漁利從不講長久培養年盛一

年也至於因年久草滿另換大盆或將一盆分為兩三盆或將他人已經養壞殘缺不齊者湊集多盆傾出拆開擇其根葉全者數苗或數十苗湊為一盆此等種法可以成活八九者無他實緣厯久寒熱有序乾濕得宜也故凡天下植物雖經南北易地苟能時時順其本性未有不能生發之草木耳至驚蟄春分時即宜緩緩透風而花盆反向北移使在陰處此後將窗紙自上至下日漸撕去至清明後穀雨時即將窗紙撕淨盆乾可微潤以水凡花木在房

內過冬將要出房時均宜漸漸透風若見風太驟必至枝葉焦枯勢難萌動矣此時如遇大風仍以蒲席遮護至立夏時即將各盆出房安置西北遊廊下以避烈風遂澆香油一次此時令早半天見日過午即陰遇乾則以雞毛等輕肥合入清水澆之至小滿節前將各盆挪在葦箔棚下早間仍儼午正前後即用花陰此時已有新草萌動至日暮時將葦箔捲起使夜夜見露小暑節時再澆香油一次或濃肥水一次大盆者約每盆用油兩餘小盆遞減或澆

水時將油傾入水內以棍攪至與水勻合再澆亦可雞鵝
毛等輕肥水可隨時攪入清水澆之此時已見新草長令
土潮潤不可太乾遇雨亦不妨惟不可太濕因紫草萌動
時新根尚嫩若太濕必有爛根之患倘葉上見有黑癥即
是傷水宜令見乾後再漸漸潮潤庶乎不致再爛從此自
夏至秋均照此灌溉三伏時新草已長大遇大雨可以不
必挪移雖偶然大濕一次亦無妨碍倘連天大雨再將各
盆移至通風避雨不見日光處或花房書房前簷下或敞

廳或遊廊下均可斷斷不可挪入屋內

夏令盆土極濕時如連日安放屋內不能透風

則滿盆立見萎敗矣

正在花放時與三伏內不可用肥花落後如欲換

盆即將整墩傾出倘遇小口大肚之粗盆難以傾出者祇好將盆擊破豫將應換之盆底多通數眼先用木炭平墊一層約一二寸厚再用蛤蜊壳凸面朝上勻鋪數層以免盆底積水看盆之深淺與根土之厚薄酌量高矮合式後用極細之紅色乾沙土用火炒過碾細再以羅篩過灑在墊好之蛤蜊上將盆四面搖撼使細土流入在蛤蜊與

炭之空隙處俟土不流動土面上灑白歛末一層以免生虫即將蘭墩安置土上四面細看果係端正即用細土輕輕灑在四周再將盆四面搖撼切勿以手按捺至土不流走為止蓋用極細乾土者根株雖亂取其易於流入根下空隙無處不到也若用濕種則以土攪水使成稀泥亦可流走入於亂根之內以上乾濕兩法均能令花根處處著土是以雖將零落之蘭花多盆拆開擇其根葉全者若干苗湊為一盆祇要照此種法未有不活者來年必見新草

三年即可茂密惟初種後澆過頭次透水切勿太濕僅令潮潤水勤恐致根爛俟過多日根土相合再澆不妨分盆務在秋分以前方妥

喜朝日畏夕陽

製土

不拘何處無鹽碱地內或山上選半沙半泥之紅色土陸續存儲以備隨時使用黑色黃色者次之至肥土之法即用泡過二三年之稠糞水將上一層起出合入土

內拌勻晒乾另備一鑪於鑪中鋪草一層置拌過糞土一層層層相間中通一孔下以火點之燒過後再加糞水再燒如此數次將未經燒盡之草節檢出將土碾細篩過備用

製肥水

養蘭用香油上肥一年內多不過四次此外仍可用雞鵝鴨毛泡在雨雪水或河水內加入韭菜一把或枇杷核數枚使毛易爛爛後以此水兑入清水數日澆灌一

次則花葉茂盛羊鹿糞泡水亦佳若用大糞水或豆水均須泡水後埋入地中年年添水少亦須經過二三年始可使用否則豆水易使葉上生虫大糞水易在根下生虫皆因燥烈之性未退用之太早也

捕蟲

盆内生蟻以羊骨引出去之如生蚯蚓以尿水灌出再以清水澆之魚腥水灑在葉上可去葉上虫白歛末灑在根下可免土内生虫

用細磁盆養蘭法

照磁盆裏口尺寸作直邊瓦盆矮於磁盆寸許平常用此盆培養花放時將瓦盆下入磁盆內花落後提出將來草滿即將此盆擊碎另換大盆